

三怡堂叢書

東京夢華錄

西
二
一

三怡堂叢書

卷之四

七

民國十年冬月

東京夢華錄

武玉潤題

河南省
立圖書
館重刊

東京夢華錄序

僕從先人宦游南北崇寧癸未到京師卜居於州西
金梁橋西夾道之南漸次長立正當輦轂之下太平
日久人物繁阜垂髫之童但習鼓舞班白之老不識
干戈時節相次各有觀賞燈宵月夕雪際花時乞巧
登高教池游苑舉目則青樓畫閣繡戶珠簾雕車競
駐於天街寶馬爭馳於御路金翠耀目羅綺飄香新
聲巧笑於柳陌花衢按管調絃於茶坊酒肆八荒爭
湊萬國咸通集四海之珍奇皆歸市易會寰區之異

味悉在庖厨花光滿路何限春遊簫鼓喧空幾家夜
宴伎巧則驚人耳目侈奢則長人精神瞻天表則元
夕教池拜郊孟享頻觀公主下降皇子納妃修造則
創建明堂治鑄則立成鼎鼐觀妓籍則府曹衙罷內
省宴回看變化則舉子唱名武人換授僕數十年爛
賞疊遊莫知厭足一旦兵火靖康丙午之明年出京
南來避地江左情緒牢落漸入桑榆暗想當年節物
風流人情和美但成悵恨近與親戚會面談及曩昔
後生往往妄生不然僕恐浸久論其風俗者失於事

實誠爲可惜謹省記編次成集庶幾開卷得覩當時
之盛古人有夢遊華胥之國其樂無涯者僕今追念
回首悵然豈非華胥之夢覺哉目之曰夢華錄然以
京師之浩穰及有未嘗經從處得之於人不無遺闕
倘遇鄉黨宿德補綴周備不勝幸甚此錄語言鄙俚
不以文飾者蓋欲上下通曉耳觀者幸詳焉紹興丁
卯歲除日幽蘭居士東京孟元老序

余嘗過汴見士庶家門屏及坊肆闔扇一如武林心
竊怪之比讀東京夢華錄所載貴家士女小轎不垂
簾幙端陽賣葵蒲艾葉七夕食油麪糖蜜煎果重九
插糕上以翦綵小旗季冬廿四日祀竈及貧人粧鬼
神逐祟悉與今武林同俗乃悟皆南渡風尚所漸也
至其謂勾欄爲瓦肆置酒有四司等人食店諸品名
稱武林今雖不然及檢古杭夢遊錄往往多與懸合
惟內家遊覽民俗炫爹夢遊多遜夢華盛耳嗟乎繁
華過眼若阿閼一現元老夢華何知後人更作華遊

也余兩人刻此則又夢元老之夢矣

繡水沈士龍識

夢華錄多記崇寧以後所見時方以逸豫臨下故若
綵山燈火水殿爭標寶津男女諸戲走馬角射及天
寧節女隊歸騎年少爭迎雖事隔前載猶令人想見
其盛至如都人探春游娛池苑京瓦奏技茶酒坊肆
曉販夜市交易瑣細率皆依準方俗無強藻潤自能
詳不近雜質不墜俚可謂善紀風土者但大內所載
殿閣樓觀僅僅十一無論諸宮只如政和新宮自延

福穆清已下尚有四十餘殿而艮嶽於時最稱雄麗
何可略也且記中普及童蔡園第后家戚里當時併
權灼爛誘亂導亡之事絕不因事而見此蓋不得楊
銜之洛陽伽藍法耳

武原胡震亨識

此卷為《夢華錄》之序，文字模糊，難以辨識。依稀可見「夢華錄」等字樣。

東京夢華錄目錄

卷第一

東都外城

舊京城

河道

大內

內諸司

外諸司

卷第二

御街

宣和樓前省府宮宇

朱雀門外街巷

州橋夜市

東角樓街巷

潘樓東街巷

酒樓

飲食果子

卷第三

馬行街北醫鋪

大內西右掖門外街巷

大內前州橋東街巷

相國寺內萬姓交易

寺東門街巷
上清宮

馬行街鋪席
般載雜賣

都市錢陌
雇覓人力

防火

天曉諸人入市

諸色雜賣

卷第四

軍頭司

皇太子納妃

公主出降

皇后出乘輿

雜貨

修整雜貨及齋僧請道

筵會假貨

會仙酒樓

食店

肉行

餅店

魚行

卷第五

民俗

京瓦伎藝

娶婦

育子

卷第六

正月

元旦朝會

立春

元宵

十四日駕幸五岳觀

十五日駕詣上清宮

十六日

收燈都人出城探春

卷第七

清明節

三月一日開金明池瓊林苑

駕幸臨水殿觀爭標錫宴

駕幸瓊林苑

駕幸寶津樓宴殿

駕登寶津樓諸軍呈百戲

駕詣射殿射弓

池苑內縱人鬪撲遊戲

駕回儀衛

卷第八